

I. N. Z.
DISSERTATIONIS THEOLOGICÆ,

DE

GEMINO

EXAMINE PASTORALI,

QUOD

SALVATOR

CUM DISCIPULIS SUIS

INSTITUISSE LEGITUR MATTH. XVI. 16. SQQ.

ET JOH. XXI. 15. SQQ.

CAPITIS POSTERIORIS.

PARTICULA SECUNDA,

QUAM,

CONS. MAX. VEN. FACULT. THEOL. IN REG. ACAD. ABOËNSI,

PRÆSES

Mag. LAURENTIUS O. LEFREN,

S. S. Theol. Prof. Reg. & Ordin. nec non Ecclesiæ, quæ Christo in
Valle Gratia, Refo & Marimasto colligitur, Pastor,

RESPONDENTE

ABRAHAMO LILIO,

V. D. M.

Publicæ Bonorum Censuræ subjiciet

Die xxviii Mart. A. R. S. MDCCCLXXXIX.

In Auditorio Majori h. a. m. f.

ABOÆ, Typis FRENCKELLIANIS,



§. I.

*Fæsta progressionē ab Examinatore ad Examinandum,
quam ille dignus sit, qui ametur, ex hujus indignitate colligitur.*

Quas ad calcem primæ particulæ hujus posterioris capitis Dissertationis, ex occasione nominum EXAMINATORIS Optimi Maximi, multo, quod fatemur, brevius, quam pro dignitate argumenti adductum ivimus obseruatūculas, eas saltem eo comparatas videri voluimus, ut *juniores & rudiores* muneris pastoralis *Candidati*, quorum utilitati in primis consulere animus fuit, exinde facile possent colligere, nihil omnium neque æquius, neque justius esse, quam PASTOREM PRINCIPEM, qui unus ac verus ovium Possessor est, intimo ac summo, quod animus quidem homianus capere potest, amoris genere, perpetuo amplecti ac prosequi. Idem adhuc clarissimum illucescere poterit, si conditionem EXAMINANDI paucis contemplari adgrediamur. Quamvis vero hic non nisi unum inveniamus PETRUM, hunc tamen ita videbimus comparatum esse, ut cæteris muneris pastoralis Candidatis τὸ πρόσωπον τῆς γενεσεως ἀνταντανει Jac. I: 23. in hoc uno, tanquam in Speculo, intueri liceat, modo uti velint lumine, quod ad hoc officium est necessarium. Utinam vero hi omnes tam feliciter sequi vellent exemplum, quod Petrus iis in *Examine pratico prævivit*, quam infe-

infelicititer multi vestigia ipsius presserunt in erroribus,
quos ille ante tam theoretica, quam practica in via
commiserat. Tanta vero erat indignitas Petri, ut qui
eam paulo adtentius consideraverit, non possit non toto
animo admirari immensas divitias misericordiae, quibus
SALVATOR o. m. hunc peccatorē cumulare dignatus fue-
rat, priusquam hoc tam felix subire posset examen; quip-
pe qui non tantum NATURA filius irae (a) erat, quales nos
sumus omnes, sed etiam optimum Magistrum abnegando,
tam enorme commiserat nefas, ut dignus esset, qui in
A 2 nume-

(a) Tēx̄a Φύσει ἀγγῆς Eph. II. 3. filii iræ h. I. sunt ira digni,
ad eundem modum, quo filii Gehennæ sunt digni Gehenna Matth.
XXIII. 15. Ipsa vero vox IRA in hujusmodi locutionibus Meto-
nymice sumitur, nihilque dicit aliud, quam quod vox propria
pænam dicimus. Hinc cum in Sacris Litteris mentio sit iræ Dei,
non certe cogitandum est de turbido peneque furioso affectuum ge-
nere, quod subinde observare licet in hominibus, cum se lesos
sentient ob aliis, quos propterea non tantum malis affecte ges-
sint, sed gratum quoque sensum voluptatis ex eorum vulneribus ac
doloribus percipiunt. Hinc SENECA ira furor brevis dicitur.
Quemadmodum enim Deus proprie non dici potest Iedi, ita ab
omnibus animi perturbationibus longissime est remotus. Quocirca
vehementer errant concionatores, qui cum severitatē pœnarum
divinarum, quæ cum delictis ac peccatis nexum habent necessarium,
ac indissolubilem, auditoribus ex vero representare deberent, de ira
divina, ejusque non tam effectu, quam effectu adeo asperē decla-
mant, ut animis eorum non possit non perversus & absurdus Dei
conceptus ingenerari. Quamvis enim vindicē divinæ locum ne-
cessario relinquere debeamus, ita tamen de eadem & sentiendu
& perorandum est, ut veram & vivam Dei notionem, qua amor
est, incorrupte retineamus, nec eo progrediamur stultitiae, ut Deum
nobis singamus iracundum ac malevolum, qui pœnas repeatat a
peccatoribus, non ut ipsos ad frugem corrigat & alios a libidi-
ne peccandi arteat, sed ut ex pœnis hominibus infictis suo ipsius
animo certum voluptatis sensum patit, quod quam Deo indignum
sit, cuiilibet prolixive est perspicere.

numerum omnium maximorum referretur peccatorum. Alienum igitur non fuerit paucis docere, quibus quasi passibus ac gradibus summa SALVATORIS gratia efficerit, ut ex tam indigno discipulo tam dignum manesceretur Apostolum, ut ei, sacramento amoris interposito, curam sui ipsius gregis committere non dubitaret. Sed ab initio ordiendum est. Priusquam *ομαρτησει των οινηγων* 2 Cor. I. 3. Petrum ad filium suum dilectum traxerat, Joh. VI: 44. homo forte *atrox & ferox* fuit, id quod partim innatus animi *impetus*, quem omnibus ostendebat occasionibus, partim illa ipsa ad *dejerandum pronitas*, quam tum prodebat, cum *crimen abnegationis* committeret, arguere videtur. Ex quo vero PATER eum FILIO dederat, h. e. in Scholam filii tradiderat (b). Mox sine dubio

(b) Verba *dandi* & *accipiendi* in multis locis N. T. significationem habent *docendi* ac *discendi*, de qua re mox plura. In antecessum observamus, formulam loquendi: *διδόναι τινι τινα*, dare alicui aliquem, idem valere ac aliquem in Scholam alicujus tradere. Sic Joh. VI. 37. verba Salvatoris: *πάντας ὁ διδωτὸς μοι ὁ πατήσ*, ad litteram: *Omnia quod mihi Pater dedit, hunc habent sensum*: Omnes quos Pater in meam tradidit Scholam. Desumta est similitudo a consuetudine patrum, qui teneros adhuc filiolos ipsi prima litterarum rudimenta domi docent, ex quo vero paulo adultores ac rubustores sunt facti, idoneis Magistris eos ulterius instituendos tradunt informandosque. Sie cum Salvator Joh. XVII: 6. dicit: *Ἐφευρετέ οὐ τὸ ἔργα τοῖς αἰδηπώτοις, ἐγ δὲ δῶντες ποιῶ τὸ κόρην*. Solus Ιησούς, non enim auctores dedentes, diversam indigitat Scholam, alteram PATRIS alteram FILII. Manifestare nomen Patris est ipsum Patrem manifestare, hoc est, Deum, quod ad omnia Ejus adtributa ac beneficia, & nominatum quod ad paternum animi affectum, juxta quem *ἀγάπην*, amor, est. I Joh. IV: 8. 16. Verba: *Ἐκ τῷ κόρη, ex mundo, h. i.* multisque aliis Judaeos indigitat. Sic *σοιχεῖα τῷ κόρη* Gal. IV: 3. 9. Col. II. 8; 20, nihil sibi volens aliud, quam ceremonias Ju-

dubio mitiores ac molliores paullatim adquisivit mires,
quibus deinceps eo plus accessit commendationis, quo vi
vidius cognoscere & impensius diligere discebat SUMMUM
MAGISTRUM, cuius salutiferam sequebatur disciplinam, do
nec ad illum ipsum & cognitionis & dilectionis adscen
disset gradum, quem in gemino Examine theoretico at
que practico ostendebat.

§. H.

Quis ille ipse sit nexus, qui inter cognitionem & dilec
tionem Dti optimi maximi locum habet, paucis
disquiritur.

Quoniam vero de gemino agimus Examine Pastorali,
quorum alterum cognitionem, alterum dilectionem Dei
optimi maximi seorsim respicit, & saepius peccari solet a
Candidatis munera Pastorali circa *nexus*, quo *cognitione*
& *dilectione* in animis eorum cohaerent, de hoc nexus hic

A 3

pau-

bel *daicas*, quæ prima quasi rudimenta erant doctrinæ divinitus re
velataæ etati accommodata infantili, sed etati paulo matuori in
utilia. Quando Iesus Joh. XVII. 6. porro dicit: Σοὶ ἦσαν Scho
lam innuit paternam, in qua rudiora discebantur elementa per
Mosen descripta & per Prophetas pedetentim ulterius exposita,
quod videre licet ex iis, quæ in hoc capite sequuntur, & nomina
tum ex versibus 45 sqq. Quod vero dare habeat docendi & acci
pere discendi significationem, id luce clarius constat ex verbis Pau
li: Εγὼ γὰρ παρελάβον ἀπὸ τῆς κυρίου ὁ καὶ παρέδωκα
μήν 1. Cor. XI. 23. Sensus enim hic est: Quod ipse a Domino
didici, id vos quoque docui. Quare Interpretes Gallicani LEN
PANTIUS & BEAUSOBIUS hæc verba sic reddiderunt: Car pour
moi j' ai appris du Seigneur, & je vous l' ai aussi enseigné, &
novum Specimen versionæ Svecanæ: Ty af Herren hafwer jag
fatt min underwifning, som jag eder gifvit.

pauca interseruisse non poenitebit. Hoc fert natura *dilectionis*, ut non nisi ex vera & viva exardecere possit cognitione ejus, quem diligere debemus. Hujus assertio-
nis veritatem ipsa inculcat littera Scripturæ, extra quam sapere est despere. Hinc ita non raro loquitur Spiritus Sanctus, qui Auctor Scripturæ est, ut illis ipsis sub vocibus, quæ puram putam involvere videntur cognitionem, non minus *practicam*, quam *theoreticum* comprehendat *institutionem*. Hujus rei exemplis multas paginas imple-
re possemus, nisi paucis nos contentos esse juberet *libertas argumenti*, quæ nobis delectum dicendorum imperat. Sic in Libro Jöbi, qui omnium habetur antiquissimus, Capite XXVIII. commate 28. hæc notatu dignissima occurunt verba: וַיֹּאמֶר לְאָדָם אַתָּה יְדֵנִי חַיָּה Homini vero dixit: *timor Domini est sapientia & recedere a malo prudentia.* (a) Eundem Domini timorem vocat Salomo וְאַשְׁוֹת דָּעַת Scientiam pre-

(a) Duo sunt genera cognitionis, quæ homini adquirere non prodest, ob eamque causam in vitiis sunt ponenda, alterum est earum rerum, quæ quamvis sciri possint, usum tamen nullum habent, sed plus ad vanitatem animo inspirandam, quam ad pietatem ei infundendam conducunt, alterum vero earum, quæ *captum ingenii humani superant*, & quarum Studium proinde quo ardenter fuerit, eo facilius naturalem pecipiendi facultatem turbare potest, & eo breviores ac proniorem ad insaniam sternit viam. De hoc genere scientia sermo est Jobo per totum caput citatum, usque ad versiculum ultimum, ubi *veram & sanam commendat Sapientiam*, ex quo in superioribus scrutinium viarum, quas Deus in regendo hoc universo sequitur sapienter disvalaserat. Ejusdem sapientiae egregium exemplum nobis relinquit Paulus Rom. XI. ubi, cum de viis omniscie providentie divinae varia adulisset, que ex posteriori, ut dicere solemus, ipsi innoverant, tantum abest, ut eas a priori prodere sustineat, ut potius, abrupto orationis filo, plenus admirationis in hæc digna crumpat verba: Ω δόξα

*præstantissimam Prov. I. 7. (b) XV. 33. Hinc justis trivit
buitur Sapientia Ps. XXXVII. 30. Prov. X. 31. Et Da-
vid*

πέλτε καὶ σοβᾶς καὶ γνώσεως Θεὸς ὡς αὐεξερευνηταὶ τὰ περιματα-
ῶντες, καὶ αὐεξερευνηταὶ δόδοι αὐτῶν. Τίς γαρ ἔγνω, νῦν Κυρί; οὐ
τὸς σύμβολος αὐτῶν ἐγένετο v. 33: 34. Quam modestiam uti-
nam imitari vellent omnes, qui divina evolvunt volumina! uti-
nam eo, quod revelatum est, contenti, arcana Dei consilia & de-
creta, que Deus salutis mortalium cupidissimus testa voluit, ri-
mari sibi religioni ducerent!

(b) Mirari convenit, qui fieri possit, ut ne unum quidem interpre-
tum invenire liceat, qui vocabulum **רָאשִׁית** aliter, quam princi-
piūm h. l. transtulit. Mihi certe innotuit nemo. Non equidem ignoro,
ita comparatum esse negotium conversionis hominum peccatorum,
ut a timore incipiat & in amorem deficiat. Atque hoc sis obversa-
tum puto, qui principii notionem retinendam censuerunt. Quum
vero usus Scripturæ, veteris saltu fæderis, jubere videatur, ut
voce **רָאשִׁית** non priorem tantum partem emendationis animi hu-
mani, quæ excuso securitatis somno prodit, sed cultum Dei totum
intelligamus, quam una voce Religionis efferre solemus, cuius ea
est vis, ut non minus amoris, quam timoris sensum producat,
rei naturæ convenientius esse putaverim, hoc quidem loco ita in-
terprecati nomen **רָאשִׁית**, ut id signet, quod *caput rei*, hoc est
præcipuum & maximū momenti haberi debet, præsertim cum ad illam i-
psam, quam nunc ex natura rei desumebamus, rationem, dñe ac-
*cedant aliæ, quarum altera est, quod cum a **שָׁנָה** caput, derive-*
*tum sit, eodem jure, quo **שָׁנָה** apud Hebræos, *caput* apud Latini-*
*nos, & **κεφαλή** apud Græcos id designare potest, altera, quæ ad-*
*huc plus babet ponderis, quod plura occurruunt loca in Bibliis He-*braicis, in quibus revera id significat, quod dignitate præcedit ac*
*eminet h. e. primarium, *præcipuum*. Hæc loca inter alia sunt.*
Num. XXIV. 20. ubi Amalek dicitur **רָאשִׁית גְּזֹוֹם** *præcipua &*
*primaria inter gentes. 1 Sam. XV. 21. **רָאשִׁית הַחֲרוֹם** *præci-*
*puum ex eo, quod devotum erat. Amos. VI. 6. **רָאשִׁית שְׁמָצִים***
præstantissima unguenta. Plura addere superfluum esset,**

vid ex eo capite se *dōctōribus* suis omnibus *dōctōriēm*, & *seniorib⁹ sapientiōrem* judicabat, quod p̄cepta ac statuta Dei non tantum *meditatione* ac *sermone* recolere, sed *ipsa etiā vita* exprimere solebat Ps. CXIX. 99. 100. Idem contra paſſim locorum peccata ac delicta, p̄ſer-tim graviora, *ſtultiæ* atque *infanīæ* nomine insignire re-peritur, cuius rei exempla videre licet Ps. XXXVIII. 6. LXIX. 6. LXXCV. 9. XXXIX. 14. & alibi, id quod nec aliis Scriptoribus Sacris insolens est, quod dīscimus ex Deut. XXII. 21. Jof. VII. 15. Jud. XIX. 23. XX. 6. 20. 1. Sam. XIII. 12. 13. ut alia bene multa p̄tteream. Nihil vero de *impiis* neque verius, neque aptius unquam dici posse, quam cum, divinis p̄tuentibus oraculis, eos nomine *ſtultorū* & *infanorū* venire jubemus, res ipsa docet. Nam si iis *ſtultiā* atque *infanīā* recte tribuimus, qui ipsi se volentes & scientes *damno* adſciunt, ſibique aut *oculos* eruunt, aut *lingvam* p̄cidunt, aut *manus* amputant, aut alia mutilant *membra*, aut totum *corpus* in ignem vel aquam p̄cipitant, nihil fane impedit, quominus ſic adpellare liceat eos, qui *corpore* *multo* *pretiosiorem* *ani-mam*, quam ipfe DEI FILIUS ſuo omni pretio pretiosiore *Sangvine* redemit, improbissimis tyrannis, mundo, pec-cato & diabulo crudeliffime dilaniandam & immaniflme conficiendam tradunt. Quippe quod eo *ſtultius* eſt, quo *levius* atque *vilius* eſt pretium, quo tantum theſaurum vendunt. Quam enim rationem habet uſura *fallaciſ* (c) vo-

lup-

(c) Omnis que in pravis ineſt cupiditatibus voluptas dupli ci nomi-ne *fallax* eſt. Primum quidem quod exiguo temporis ſpatio du-rat, doloribus & angoribus primum quemque hauium mox exci-pientibus ac torquentibus, deinde quod ne tum quidem, cum gu-ſtatur, ſincera perfecteque jucunda ſentiatur ſed multas & varias admixtas habeat acerbitates, quod uero demum recte norunt, qui

tuptatis, quæ paucis tantum momentis durat, ad jacturam æternorum gaudiorum, ut nihil dicam de ardentibus dolorum facibus, quæ hos tam stultos menteque captos venditores sine omni fine amburent, docente ipso Salvatore Matth. III. 12. V. 22. VII. 19. XIII. 40. 42. 50. XVIII. 8. 9. XXV. 41. confer Marc. IX. 43. 44. 45. 46. 47. 48. Luc. III. 16. 17.

§. III.

Qualis esse debeat cognitio, si ex ea vere sequatur dilectio, breviter disquiritur.

In Sacris Litteris non aliam commendari scientiam

vera ac pura gustarunt gaudia, quibus tum abundat conscientia, cum peccata vere remissa & pacem perfecte restitutam sentit. Verbo sentiendi hoc loco de industria utendum judicavi, ut ne quis Lectorum communem erret errorem, quo non exiguum hominum excitatorum numerus retineri ac impediri solet, quominus ad verum Christianismi scopum perveniant, qui primis solatiorum radis, quos gratia præveniens ac præparans spargit, contenti, eo contenti intermittunt, ut qua possint felicitate ac celeritate ad perfectam ac perpetuam conscientiae pacem pertingant. Cui quidem errori partim fulcimenta, partim incrementa tum aliis ex caussis accedere solent, tum ex variis asceticorum libris, in quibus iusto sepius tanto studio ad laudem infirme Fidei, inconsultis plane consiliis, incumbere reperiuntur, ut qui eos legunt, non possint non in eam induci opinionem, fieri aut non posse, aut non deberre, ut homines iustitiam ejurientes ac sibi sientes, plena beati fiducia, saturentur, quod tamen Salvator o. m. diserte docet Matth. V. 6. Neque enim credibile est, tam sapientem veritatis doctorem aliud voluisse innuere, quam quod verba cuique obvia per se dicunt, non ideo felices esse homines desideratum iustitiae thesaurum expertentes, quod illo ipso adsciriuntur tædio, quod desiderium nondum expletum adfert, sed quod erto eveniet, ut, mutata scena, gratus saturationis sensus ingratum esuriendi ac sitiendi, tædium sequatur.

veritatis, quam quæ sequacem habeat pietatem, paucis viderimus. Nunc breviter videndum, qualis esse debeat cognitio, si apta nata sit, ex qua hic sequatur effectus. Primum quidem generatim observanduni, fieri omnino non debere, ut iis tribuamus cognitionem, qui nihil nisi sola didicerunt verba, quorum aut exiguum, aut nullum tenent sensum. Hoc vitium opinione laepius animadvertere licet, non tantum in pueris & puellis, quibus nihil solennius esse solet, quam vacuas verborum formulas memorie mandare, ne querere quidem laborates, neque quæ verbis seorsim sumitis notiones, neque quæ integris formulis sententiae subsint, sed in maturioribus quoque hominibus, ex quibus pleniorem cognitionem nihil vetat requirere.

(a) Quid? quod ulu sape veniat, ut viros reperiamus do-

(a) Hoc vitium multo inveni frequentius, quam mihi in mentem venire potuisset, nisi occasionem observandi praebuissent examina Catechetica, qua in Ecclesia meæ concessa curæ quotannis institui. Fuerunt qui receptum Catechismi libellum a capite ad calcem tam adequare verbotenus didicerant, ut, ubiqueque juberetur, non solum quæstiones, sed etiam responsiones sine ulla hesitatione, aut cœspititione ex memoria recitare possent. Simul vero ac querere inciperem, quid hoc vel illud verbum significaret, quisve hujus vel illius formulæ sensus esset, nullum tuli responsum. Vix, quid cœlum aut terra esset, intelligebant. Quid vero sibi vellent verba: e. g. creare, redimere, sanctificare, & nomina: creator, redemptor sanctificator, item: creatio, redemptio & sanctificatio, ne ab iis quidem semper intelligi comperiebam, qui cœteris peritiores habebantur. Ex quo vero aliis atque aliis monstraveram exemplis, quomodo cogitandi facultatem adplicare deberent, cum gudio inveni, defectum solidioris cognitionis non aliunde repetendum esse in plerisque, quam ex inveterato illo præjudicio, totum Christianum situm esse in prompta verborum memoria, eumque bonum esse Christianum, qui bonus esset psittacus, verba mente cassa instar fluminis profundere doctus. O utinam omnes juventutis doctores hoc sibi datum putent negotium, ut plus opere ad intellectum juventutis illuminandum & animum emendandum, quam ad me-

doctos, qui, cum paulo diligentius examinantur, parum ultra meros verborum sonos sapere inveniuntur. Hos opinione plures esse, experientia magistra cum dolore didici. Neque hoc magnopere mirandum. Primum enim si ipsum spectemus modum descendit, cui a teneris inde ungiculis adseverant, is plerisque accidere solet talis, ut non tam res percipere, quam verba discere soleant. Deinde non omnibus ea obtingit vis ingenii, ut suo uti iudicio possint. Præterea si quibus obtigerit, sæpe tamen usu venire solet, ut ea uti non audeant, in rebus prælertim Theologicis, in quibus ad nostra usque tempora prope modum HÆRETICUM fuit a receptis Theologorum formulis vel ungvem latum recedere, prælertim cum more receptum fuerit quælibet Theologorum, qui habitu tuerunt orthodoxi, compendia & systemata haud aliter ac verissima Dei oracula intueri. Huc tandem accedit, quod illa ipsa, quam Theologi adhibuerunt, scribendi methodus, adeo plerumque impedita ac intricata fuit, ut non nisi paucis, quibus paulo acrius contigit ingenium, ultra verba sapere licet (b), antequam paulatim existerent Theologi cor-

B 2

datio-

moriā verbis mente cassis sarcinā conferant. Neque hoc votū putaverim indignum, quod opellæ inservatur, quæ examini pectoralī rite instituendo inservire debet.

(b) Bona Lectorum venia hoc loco adponere liceat, quomodo omnium primum in variis Theologorum Scriptis, plus detexerimus obscuritatis, quam antea nobis quidem habere videbantur. Quum ante hos quadraginta annos, nondum Camænas salutassemus Academicas, sed in subsellijs hæceremus Gymnasticis, omnia nobis plana & clara videbantur, que Magnus quidam Theologus in Compendio suo Theologico scriperat, quod vero cum viros quosdam doctos negare audiremus, adformativam sententiam nobis defendendam non dubitabamus suscipere, ab iis postulantes, ut vel unum ostenderent locum, qui nostrum superaret captum. Hod cum frustra tentassent, non prius sententiam mutare potuimus, quam

* * * * *

datiores, qui, exterminatis tricis Scholasticis, simpliciores
caput-

frustra tentassent, non prius fententiam mutare potuimus, quam
multos jam annos exercitiis vacaveramus Academicis. Quum enim
rogatu certi ejusdam amici polliciti fuisset laudatum modo li-
brum in gratiam certi Theologæ studiosi, qui ad subeundum
Examini muneris Sacerdotalis præparandus erat, privatis prælectio-
nibus explicare, adeo huic obscuræ invenimus omnia, quæ pau-
lo longius ab indole sermonis communis recedere videbantur, ut
quid sibi vellent, difficillime percipere posset. Quamvis enim to-
tum librum tam firma teneret memoria, ut ne ad unum quidem
verbum aqua ipsi inter recitandum hæreret, simul tamen ac de sen-
su verborum instituebatur quæstio, magis mutus quam piscis in-
veniebatur. Hoc igitur capto experimento, optare cœpimus, ut Com-
pendium nanciceremur Theologum, quod simplicius esset consi-
gnatum & faciliorem haberet explicationem. Sed tale præstare hoc
opus hic labor est. Plus enim experientia postulat, quam quod
in quævis Doctorem angelicum, aut seraphicum cadit. Retenta
rerum scientia, in quantum esset sobria & solida, id diligentissime
agendum, ut verborum sapiens ac prudens haberetur delectus, ita
ut ubique locorum sanctæ servaretur sinceritas & simplicitas, evi-
tatis omnibus terminis, qui, cum perspicuitate officiunt, rudioribus
Lectoribus percipiendi facilitatem & proficiendi felicitatem denegant.
Ipse certe Salvator, qui rem sine dubio optime intelligebat, cum
fuis examinaret discipulos, ut, quam de sua persona conceperint
opinionem, ex vero dicerent, nihil de concreto, nihil de abstracto,
neque personæ, neque naturæ ab iis quæsivit, sed hoc solum,
quem ipsi & alii Eum esse dicerent? Similiter cum a Petro, quæ-
reret, utrum se pluris faceret, teneriusque amaret, quam ceteri sui
discipuli, ne verbo quidem tangere dignabatur difficiles illas quæ-
stiones de amore puro & impuro & id genus alias, quas Theolo-
gi sèpe curiosus, quam utilius moverunt, & subtilius, quam soli-
dius tractarunt. Quisquid vero de libris scribendis vel taxari, vel
laudari possit, nihil certe ineptius, quam quod tum usu venit,
cum, qui verba apud rudem faciunt plebem, neglecto dicendi ge-
nere simplici ac populari, quo Salvator usus est, nihil egregium
putant, nisi quod terminis seateat technicis, quibus quo sèpius uti-
tuntur, eo indignius fallunt spem auditorum, qui non vanos so-
nos audiendi, sed solidam doctrinem percipiendi caussa, aures il-
lis præbent.

missus ministro ergo missus missus missus missus missus

cæptuque faciliorem docendi methodum introducere adiutorarunt. Hi cum viderent in tritis Theologorum scriptis varias laciniæ ex ingenio contextas humano veritatis ipsis cælestibus passim adfutus fuisse, has etiam feliciter abscondere coeperunt, postliminio revocata Theologia Scripturaria, quæ nihil doceat aliud, quam quod in Divinis invenitur Litteris. Cumque ad hoc necessario requireretur, ut multo quam antea diligentius evolveretur & sapientius explicaretur ipse Sacer Codex, duo nunc obfolescere coepérunt offendicula, ad quæ olim vel inviti cespitarunt, qui realem, quam verbalem Theologiæ cognitionem adquirere maluerunt. Interea de utroque hoc conamine valet tritum illud: non incepisse sed perfecisse sufficit. Neque enim adhuc expulsæ sunt omnes tenebrae, quibus Theologiam Scholastici, aliquie Philosophi olim obscurarunt, neque omnia accensa sunt lumina, quibus Scriptura illustrare adgressi sunt Theologi, quibus uberior & solidior Lingvarum Sacrarum, aliorumque subsidiorum Hermeneuticorum peritia occasionem Theologiæ Exegeticæ felicius excolendæ suppeditavit. Adhuc enim passim in libris dogmaticis visuntur præcaria minusque utilia, ut gravius non dicam problemata, quæ Sacris Litteris penitus ignota sunt. Hæc non ea sunt pabula, quæ verus & bonus Pastoris principis servus oviculis Domini præbeat, quippe quæ nihil habent, ex quo succus efficiatur nutrictus, quo vivere & valere possint. Sed ad Petrum redeamus paulo proprius visuri, quibus Salvator o. m. eum passibus ac gradibus PRÆPARATUM iverit, ut Examen pastorale practicum rite præstare posset. Duo præcipua sunt capita Doctrinæ, in quibus probe versatos esse oportet eos, quibus curam sui ipsius peculii committere vult Pastor princeps, SALVATOR in secula benedictus (c). Utrumque his verbis inculcat idem optimus

maximus Solspitator: 'Αύτη δέ ἐστι η εὐώνυμος Γαῖα, ἡνὸς γῆς
ονωρὶ σε τὸν μόνον αἰλυθίνον Θεὸν, καὶ οὐ αἴπερεντες Ἰησὸν Χριστὸν Joh.
XVI'. 3. Commate proxime præcedente dixerat Salvator,
ſe vitam aeternam daturum iis, quos pater ipsi dederat.
Hic igitur docet, in quo vita illa aeterna consistat, vel
rectius, unde emanet. Fontem vero constituit in co-
gnitione DEI & CHRISTI, duas indigitans religiones, Israe-
liticam & Christianam. Omnes alia gentes, præter Israe-
liticam, cum quidem temporis plura, eaque fictitia colebant
numina, verum Deum plane ignorantes. Solus populus
Judaicus μόνον Θεον, unum DEUM adorabant, quem Salva-
tor h. I. αἰλυθίνον, verum, adpellat, digitum intendens ad
nomen DEI proprium Γάτη, cuius significandi potestatem

(c) Hebreum בָּרוּךְ, Græcum εὐλογεῖ & Latinum benedicere, præ-
ter alias, laudandi ac celebrandi significationem habent; que qui-
dem notio toties fere locum habet, in Sacris Litteris, quoties ho-
mines Deo benedicere dicuntur. Nec desunt loca apud Latinos
auctores classicos, in quibus homines hominibus eodem sensu bene-
dicere dicuntur. Sic CICERO; Cui benedixit unquam bono? Pro
Sexti C. LI. h. e. quem bonum unquam laudavit? GELLIUS VI.
II. Eum indignissimum arbitror, cui n̄ viris bonis benedicatur h. e.
laudetur. Alias in Sacris Litteris Deus hominibus, cum dicuntur be-
nedicere, cum eos largo beneficio cumulo, sive corporalibus si-
ye spiritualibus in rebus beat, homines vero hominibus, cum iis
omnia prospera & felicia adprecentur, aut pro facultatibus con-
ferunt. Ex adverso maledicere est aliquem omni bonorum generis
privare & omni malorum genere cruciare, quando Deus alicui maledice-
re dicitur. De hominibus vero dictum hoc verbum mala omnia
alteri imprecari. His perceptis clarius perspicitur sensus dicti il-
lius clasici: in Semine tuo benedic tor omnibus gentibus Gen.
XII. 2. XXII. 18. XXVI. 4. XXVII. 14. Act. III. 25. Gal. III. 16.
Neque enim aliud tibi vult hæc divina promissio, quam fore ali-
quando, ut ex posteris Abrahami nascatur maximum generis or-
namentum, cuius beneficio omnes orbis gentes futuræ sint felicissimæ,

supra (b) evolutam dedimus. Nec dubium, quin Salvator hoc dicens ac docens suis in memoriam revocare

vo-

et nos in eis memoremus Deum nostrum Iesum Christum.

IV. 15. pro

(b) Vide not. a ad §. IV. p. 1. Cap. post. ubi que hujus nominis sit emphasis de industria exponere conati sumus. Hoc loco addere licet, Deum in specie ideo ἀληθινὸν dici, quod per filium non solum omnia implevit oracula de redimento generis humano, sed omnia quoque ἀνίγματα, que cultus continebat Leviticus, in quantum FILII Dei Sacrificium præfigurabant, solvit. Nihil quippe Sacris Litteris solennius est, quam id nomine veritatis insignire, quod alias spiritum vocare solent, sensum scilicet arcarum, qui allegoristicis & emblematicis Scriptura enuntiationibus subest. Sic Deum in Spiritu & veritate adorare Joh. IV. 23. 24. nihil est aliud, quam Deum colere absque ceremoniis Mosaicis, que hacenus obtinuerant, homines Deum coientes ad certa rituum ac gestuum genera certis locis & statutis temporis intervallis observanda adstringentes. Id vero minime præterundum, quod Salvator hoc loco Deum nomine PATRIS adpellat. Littera enim Mosaica, seu ceremonia scriptis Mosis imperante nuntiata babebant terroris & horroris obfrequentes mortis comminationes, que sapienter vel minimum ceremoniarum neglegendum premebant, ab eamque causam Deum pingebant ut severum DOMINUM servos sibi subjectos auferius, quam elementius tractantem, quasi metu quam amari mallet, contra ea, que sub his tristioribus ἀνίγμαtilbus latebat, veritas, sensu quo diximus intelligenda, Deum haud aliter representat ac PATREM ipsumque amorem, omnes sui adoratores loco filiorum habentem, omniaque officiorum genera non minus & plagiis extortuentem, sed ex libero sancti animi proposito sua spore profecta accipientem, נתתי את־תורת בקובם ועַל־לִבָּם אֲכַחְכָּנָה Jer. XXXI. 33. quam Paulus Graeca scribens Lingua sic expressit: οὐδες νόμος μή εἰς τὴν διάβολον ἀντων ΡΟΥ ἐπὶ καρδίας ἀντων ἐπιγέγονω Hebr. VIII. 10. Quid aliud est menti ac cordi inscribere legem, quam, animo regeneratione mutant, novum homini gustum infundere, qui ita est comparatus, ut præcepta Dei moralia, que prius falle anteriora sentiebantur, nunc saporem melle dulciorum referant. Hæc vera nota est Christianismi, eoque veridix quod ipse etiam David sub duro ce-

תְּהִימָּה וְעַל־לִבָּם אֲכַחְכָּנָה Jer. XXXI. 33. quam Paulus Graeca scribens Lingua sic expressit: οὐδες νόμος μή εἰς τὴν διάβολον ἀντων ΡΟΥ ἐπὶ καρδίας ἀντων ἐπιγέγονω Hebr. VIII. 10. Quid aliud est menti ac cordi inscribere legem, quam, animo regeneratione mutant, novum homini gustum infundere, qui ita est comparatus, ut præcepta Dei moralia, que prius falle anteriora sentiebantur, nunc saporem melle dulciorum referant. Hæc vera nota est Christianismi, eoque veridix quod ipse etiam David sub duro ce-

voluerit quod Moses Israëlitis; initio fôdere Sinaïtico; alta
 voce inculcavit: יְהוָה אֱלֹהֵינוּ וָאֶתְהַלְכֵל אֶל־יִשְׂרָאֵל audí
 Isræl JEHOVA Deus noster unus est JEHOVA i.e. solus est Je-
 hova. Deut. VI. 4. Præter hunc unum Deum verum, fe-
 rebat Religio Judæorum, ut eximium quendam legatum
 a Deo exspectarent, qui, omnibus divictis hostibus, æ-
 terno potiretur regno, in quo qui viverent vita frue-
 rentur beatissima. Utrumque multo certius tenent
 Christiani, quam Judæi. Quamvis enim hi, nuncio ido-
 lolatriæ missio, unum se Deum credere confiterentur, tan-
 tum tamen aberat, ut hoc agnosceret Salvator sapien-
 tissimus, ut potius iis, cum Deum patrem suum esse glo-
 riarentur, diuersè contradiceret, his usus verbis: ἐτε εἰδεῖτε,
 ἐτε τὸν πατέρα Εἰ εἴδειτε, καὶ τὸν πατέρα με
 οἶδετε ἀλλα. Joh. VIII. 19. Hinc sequitur, tam arcto vinculo
 cohærere cognitionem Dei, ut Patris, & Cognitionem Chri-
 sti, ut filii, ut altera sine altera locum habere nequeat.
 Qui verum se Deum credere confitetur, is mendax est,
 nisi & divinitatis & paternitatis, quam Christus Deo vin-
 dicat veriorem notionem animo teneant, quam vulgo fie-
 ri folet. Atque hoc æque verum est, de quocunque ho-
 minum genere, prædicetur, sive ethnicō, sive Muhamme-
 dano, sive Judaico, sive Christiano nomine veniat. Deus
 omniscius de hominibus semper ex vero, κατα αληθειαν
 judicat Rom. II. 2. Hoc ut facere possit, neque verba, ne-
 que

rinoniarum jugo hunc se gustum habuisse fatetur Ps. CXIX. 103,
 qui quidem psalmus omnino dignus est, qui identidem totus per-
 legatur, in primis ab iis, qui verum sibi Christianismum gratulari
 non verecundantur, quamvis omnia sentiant contraria, Christiani-
 smo contenti mechanico, qui omnem pietatis laudem ex voibus,
 gestibus, ritibus, &c. quæ his similia sunt, externis Religionis ex-
 ercitibus meritur, exultante Christi amore, in quo tamen ipse omnia
 ponit, Petrum interrogans: Αγαπᾶς με; φίλεις με.

que facta eorum necesse habet considerare, eoque minus
 quod utique sepius speciem veritatis mentiri soleant.
 Äque enim interiorum ac exteriorem cuiusvis hominem
 cognoscit Deus; & prout illum invenit, ita totam judi-
 cat personam. Qui vel unam legum Dei, quarum insi-
 tam habemus notitiam, consulo peccando violat, is *justi-
 tiae divinæ dicam impudentissime scribit*, adeoque alium
 sibi Deum fingit, quam qui existit. Quid vero aliud est
 Deus, *justitia ablata*, quam horrendum informeque *mon-
 strum*, quod Verum Deum dicere non minus *impium*
 quam *absonum* est. Quotquot igitur hunc errorem er-
 rant, ii puri puti sunt *ATHEI* in mundo, æquæ ac genti-
 les, qui *sæcta* colebant numina, ob eamque causam hoc
 nomine a Paulo insigniuntur Eph. II 12. Nihil igitur mi-
 rum, quod Salvator Iudeos crassissimi postulabat *menda-
 cii*, simul ac eos audiverat gloriantes, Deum *unicum* eo-
 rum *patrem* esse, nec dubitabat adserere, verum eorum
patrem esse ipsum *Diabolum*, cuius animum mentiendi
 columnandi ac occidendi libidine imitabantur Joh. VIII
 41. sqq. Quasi dicere vellet, tantum abest, ut illa ipsa
Dei notio, quam vos talia patrantes, qualia nunc cognovi, te-
 netis, verum exprimat *Deum*, qui *meus Pater* est, ut potius
 ipsissimum reprezentet *Diabolum*, cuius vos esse filios, ip-
 si factis luculenter ostenditis, Nihil vero ad verum &
 plenum *Dei conceptum* animo ingenerandum tam vehe-
 menter pertinet, quam quæ nomine *Patris* respondet
notio, quamque nemo unquam homo satis & distinctam
 & completam prius adquirere potest, quam eandem in
 Sibola *Fili* *Dei* unigeniti discere licuit, ut ipse docet
 Joh. I. 18. Hoc enim oratore nobis significare dignatus
 est ὁ μαρτυρῶν ἡρῷος πάντων παγαλῆσεως 2. Cor.
 I. 3. quæ sint *divitiae amoris*, quo miserrium genus
 mortalium complecti dignatus est Eph. II. 4. lqq. Ete-
 dum

nim totam Salvatoris vitam, quidquid nobis bono vel dixit
 vel fecit, & præcipue cruentissimam ac acerbissimam ejus
 passionem, quam pro nobis sustinuit, haud aliter intueri pos-
 sumus, ac eloquentissimas & efficacissimas optimi Magi-
 stri prælectiones in Librum Gratiae Dei PATRIS, cuius hæc
 est Summa: Sic Deus dilexit mundum, ut &c. Joh. III.
 16. Quanta vero alacritate ac integritate animi Filius
 hoc omnium gravissimum omniumque molestissimum
 muneris genus in se suscepit, quave patientia atque
 constantia illud coluerit & effecerit, id luculentissime de-
 monstrant Evangelistæ, qui vitæ, passionumque Ipsius bistori-
 am memorie prodiderunt. Quot enim oculus fidei in
 corpore Christi flagris affecto & cruci affixo animadver-
 tit vulnera, stigmata, vibices, tumores, livores & id genus
 alia injuriarum vestigia, tot & clarissima & certissima ad-
 gnoscit testimonia, quibus ή χειρότης καὶ ή φιλανθρωπία τοῦ
 Σωτῆγος ἡμῶν Θεοῦ Tit. III. 4. confirmatur, Eis ἐπαινούσιν δόξης
 τῆς χάρετος αὐτῷ, ἐν η̄ ἔχαρτωσεν ἡμᾶς ἐν τῷ ηγουπημένῳ ἐν τῷ
 ἔχομεν τὴν ἀπολύτρωσιν διὰ τοῦ ἀλυτρού αὐτῷ, τὴν ἀφεσιν τῶν πο-
 ρωπτωμάτων κατὰ τὸν πλεῖστον τῆς χάρετος αὐτῷ, η̄ς ἐπερίσσευ-
 σεν εἰς ἡμᾶς ἐν πάσῃ σοφίᾳ καὶ φρονήσει Eph. I. 6. 7. 8. Quid
 vero dicam de ineffabilibus dororibus, angoribus & ter-
 roribus Salvatoris, & de ipsa illa omnem humanam co-
 gitationem longissime superante animi confusione, quam
 tum expertus est, cum in cruce exclamaret: mi Deus,
 mi Deus, quare me dereliquisti! Scio, quid dicam. Hæc
 omnia passionum genera eis, qui devoto eadem animo
 cogitant ac pensitant, totidem sunt præcones, qui altâ
 clamant voce: O homines! O peccatores! qui qui estis &
 quotquot estis, maximi, minimi, medioximi, videte & cer-
 nite, audite & attendite, quoniam immensæ sint divitiae amo-
 ris Dei! Potest quidquam vel mente percipi majus, vel
 voce exprimi grandius? Oītws ἡγάπησεν ὁ Θεὸς τὸν κοσμὸν
 Joh.

Joh. III. 16. ὅτε τὸ idis νὺξ ἐπέισαρον. r. λ. Rom. VIII. 32. Ωὐψος, ὦ βάθος! Sed meminisse nos oportet, Deum non ideo suum ipsius filium, quo nihil habebat carius, nobis in pignus amoris dedissemus, ut puri puti essemus Theoretici, intra solam & nudam tanti Mysterii contemplationem subsistentes, sed ut veri & sani evaderemus Practici, qui Dei & Patris, ut amoris, cognitionem arctissimo conjungeremus vinculo. Quid enim aliud sibi voluerunt omnia, quæ nos, missis Filio, docere dognatus est Pater misericordiarum, quam ut amori amore responderemus? Ήμεῖς ἀγαπῶμεν AUTON, ὅτι αὐτὸς πρώτος ἡγάπησεν ἡμᾶς. Οὐ μὴ ἀγαπῶν, ἐκ ἔγγω τὸν Θεὸν ὅτι ὁ Θεὸς ἀγάπη ἐστιν Joh. IV. 19. Verbo omnia quæ Sacrae continent Litteræ huc redeunt, ut radiis veræ ac vivæ cognitionis allecti huic nos igni quam proxime admoveamus, donec ejus ardore quasi liquefacti in alios novos transfiguremur homines, qui similitudinem Dei vera justitia perpetuaque vita sanctitate referamus, Eum ex toto animo & omnibus viribus, & alios homines sicut nos ipsos amando. Videantur dicta Eph. IV. 24. Deut. VI. 5. Matth. XXII. 37. 38. 39. 40.

Neque enim Deus esset ἀγάπη, amor, h. e. salutis hominum cupidissimus, nisi eo valeret manifestatio infinitæ Ejus Gratiae, quæ per traditionem Filii unigeniti procurata est, ut credentes nanciscerentur εἰχοταί τένος Θεοῦ γενέσθαι, privilegium filii Dei evadendi Joh I. 12. Σεῖας κοινωνία Φύσεως, ἀποφυγέντες τῆς ἐν κόσμῳ ἐπιθυμητοῦ φθορᾶς naturæque divinae participes, ut effugere possent exitium, quod adferunt, quæ in mundo dominantur pravæ cupiditates 2. Petr. I. 4. adeoque legem non destruerent, sed stabilirent per fidem Rom. III. 31. Ipse enim amor noster erga De-

um, quem Dei amor erga nos producit, non aliunde
rectius constat quam ex observatione præceptorum Dei
Job. XIV. 21. I Joh. V. 2. 3. 4. Quid! quod felix esse
possit nullus, nisi Lege Dei delectatur, eamque die ac no-
cte meditatur Ps. I. 2. (c).

(c) Quamvis David hoc loco eam intelligat meditationem, qua pri
vet. fecd. eruere laborabant sensum arcanum ceremoniarum Mo-
saicarum, sub quibus Mysterium redēptionis latebat, verum nihis
Dominus est, quod diximus, felicem fieri neminem, nisi præcepta
Dei moralia sincere amet, iisque observandis summum impendat
studium. Qui felices evadere volunt, quamvis legem continue vio-
lent, tam absurdī sunt, ac si vitam servare vellent, quamvis in
aquaī, aut ignem se præcipites agerent. Nisi quis renatus fu-
erit non potest ingredi regnum Dei.



. 37. 38. 39. 40. XXX

Necdes enim Deus est ut pater, sed etiam
poterunt obsequiis suis nos adorare. multitudinem
etiam illa. Quia Christus duxit nos in hereditatem filii unigeniti
procurans. Et in oblatione missericordie nostrae et caritatis
O Regnante nostro Christo Iesu Christo. Amen. In hoc etiam
etiam dicitur. In oblatione missericordie nostrae et caritatis
convenit quod nos obsequiis nostris. Unde in oblatione missericordie
etiam dicitur. In oblatione missericordie nostrae et caritatis
per Iesum Christum dominum nostrum. Amen. In oblatione missericordie nostrae et caritatis

C 5